

昌黎先生詩集注

(六)

昌黎先生詩集注卷第九

律詩八十五首

題楚昭王廟

嗣立按史記楚世家平王卒乃立太子珍是為昭王在位二十一年公外集有記宜城驛云驛東北有井傳是昭王井井東北數十步有楚昭王廟高木萬株舊廟屋極宏盛今惟草屋一區然問左側人尚云每歲十月民相率聚祭其前元和十四年二月二日題蓋與此詩同作也

丘墳

一作園

滿目衣冠盡城闕連雲草樹荒猶有國人懷

舊德一閒茅屋祭昭王

宿龍宮灘

陽山縣志龍宮灘在縣西十五里

浩浩復湯湯

商音

灘聲抑更揚奔流疑激電驚浪似浮

霜夢覺燈生暈宵殘雨送涼如何連曉語一半是思

鄉一作祇是說家鄉

〔西清詩話〕黃魯直云退之裁聽水句尤見工所謂浩浩湯湯抑更揚者非諳客裏夜臥飽聞此聲安能周旋妙處如此邪

义魚招張功曹一無下四字

〔周禮〕以時籍魚鄭氏云以叔刺泥中取之詳見卷三八月十五夜贈張功曹詩注

义魚春岸闊此興在中宵大炬然如晝長船縛似橋

深窺沙可數靜撈水無搖見卷五和盧雲夫送盤谷子詩注刀一作手下那能

脫波間或自跳中去聲鱗憐一作疑錦碎當去聲目訝珠銷迷

火逃翻近驚人去暫遙競多心轉細得雋語時踴見卷八城

南聯句潭罄知存寡音賢一作船平覺獲饒交頭疑湊餌駢

首類同條濡沫情雖密莊子大宗師篇泉涸魚相與處於陸相啗以沫登門事一作志

已遼

辛氏三秦記河津一名龍門水險不通魚莫能上江海大魚薄集龍門下數千不得上上則為龍也

盈車欺故事

孔叢子衛人釣魚於河得魚焉其大盈車

飼

音

犬驗今朝

鹽鐵論江陵之人以魚飼犬

血

浪凝猶沸腥風遠更飄蓋江煙冪冪

莫狄切

拂

一作

棹影

寥寥獺去愁無食龍移懼見燒如棠名既誤

左傳隱公五年公將

如棠觀魚者

釣渭日徒消

史記齊太公世家呂尚年老漁釣周西伯出獵遇於渭之陽

文客驚先賦

篙工喜盡謠

選吳都賦篙工楫師選自閩禺

膾成思我友觀樂憶吾僚

杜

美觀打魚詩吾徒胡為縱此樂

自可捐憂累何須強問鴉

選賈誼鵬鳥賦序鵬似鴉不祥鳥也鵬鳥賦請

問于鵬兮余去何之

李員外寄紙筆

方云李伯康也伯康以貞元十九年為郴州刺史權德輿集有墓志宋云公祭李郴州文獲紙筆之雙買即謂

此事投叉魚之短韻亦指前篇也

題是臨池後

張彥遠法書要錄張芝善草書臨池學書池水盡黑

分從起草餘

漢官儀尚書郎主作

文書

兔尖針莫並

嗣立補注西京雜記天子筆以錯寶為跗毛皆以秋兔之毫

繭淨雪難如

世說

義之書蘭亭序用蠶繭紙

莫怪殷勤謝虞卿正著書

史記虞卿傳虞卿不得意乃著書曰虞氏春秋太史

公曰虞卿非窮愁亦不能著書

次同冠

一作弄或作巫

峽

云公有同冠峽詩與此詩凡二章皆赴陽山時作嗣立按胡渭云今廣州府陽山縣西北七十里有同官峽

接連州界疑即此同冠峽也

今日是何朝天晴

一作清

物色饒落英千尺隋遊絲百丈

飄泄乳交巖脉懸流揭浪標無心思嶺北猿鳥莫相

撩

答張十一功曹

唐本有張署寄公詩

山淨江空水見沙哀猿啼處兩三家簣音當競長

纖纖笋

異物志簣簣生水邊長數丈圍一尺五六寸廬陵界有之

躑躅閑

一作初

開豔豔花

羊躑躅花名見

卷三杏花詩注

未報恩波知死所

左傳文公二年狼蹕云吾未獲死所

莫令炎瘴送生

涯

杜子美詩應須美酒送生涯

吟君詩罷看雙鬢斗覺霜毛一半加

任子淵云

斗覺詩中健語也前輩多使退之詩有此句東坡詩黃昏斗覺羅裳薄後山詩斗覺文字生清新

郴州祈雨

音琛

唐地理志郴州桂陽郡屬江南道

乞雨女郎魂魚羞潔且繁廟開鼯鼠叫

見卷一南山詩注

神降

越巫言

史記封禪書漢武帝令越巫立越祝祠

早氣期銷蕩陰官想駿奔

書駿奔走執豆

籛

行看五馬入

嗣立補注潘子真詩話禮天子六馬左右驂三公九卿駟馬左驂漢制九卿則二千石以右驂太守駟馬而已

其加秩申二千石乃右驂故以五馬為太守美稱遜齋閑覽漢時朝臣出使為太守增一馬故為五馬

蕭颯已隨軒

謝承後漢

書鄭弘為淮陰太守政不煩苛天旱行春隨車致雨

湘中酬張十一功曹

休垂絕

一作越

徼千行淚

顏師古漢書注徼猶塞也東北謂之塞西南謂之徼

共泛清湘一

葉舟

嗣立補注

軒后本紀見浮葉乃為舟黃閔武陵沅記武陵鼎口望沅川中舟如樹一葉

今日嶺猿無越鳥

可憐同聽不知愁

柳口又贈二首

山作劒攢江寫鏡扁舟斗轉疾於飛迴頭笑向張公

子

嗣立按劉石齡云漢五行志張公子時相見杜子美詩天上張公子又好去張公子

終日思歸此日歸

雪

一作雲

飈霜翻看不分雷驚電激語難聞沿涯

一作崖

宛轉

到深處何限青天無片雲

題木居士二首

張芸叟木居士詩序耒陽縣北沿流二三十里齧口寺即退之所題木居士在焉元豐初以禱旱不應為邑令析而薪之今存者乃僧道符更刻

火透波穿不計春根如頭面榦如身偶然題作木居士便有無窮求福人

為神詎比溝中斷

莊子天地篇百年之木破為犧樽青黃而文之其斷在溝中比犧樽于溝中之斷則美惡有間矣其

於失性一也

遇賞還同爨下餘

後漢蔡邕傳在吳人有燒桐以爨者邕聞火烈之聲知其良木因請而裁為琴果有

美音而其尾猶焦時人名曰焦尾琴焉

朽蠹不勝刀鋸力匠人雖巧欲何如

晚泊江口

郡城朝解纜江岸暮依村二女竹上淚

用湘妃事

孤臣水底

魂用屈原事

雙雙歸鰲燕

嗣立按吳兆宜云晉郝鑒傳鑒避難于魯國澤山掘野鼠鰲燕而食之

一一叫

羣猿回首那聞

一作能

語空看別袖翻

湘中

猿愁魚踊

一作躍

水翻波自古流傳是汨

音覓羅

漢賈誼傳為賦以弔屈原曰側

聞屈原今自湛汨羅師古曰汨水名在長沙羅縣

蘋藻滿盤

一作船

無處奠空聞漁父叩

舷

一作船

歌

楚辭漁父篇漁父莞爾而笑鼓枻而去王逸曰鼓枻叩船舷也

別盈上人

方云柳子厚集有誠盈住衡山中院

山僧愛山出無期俗士牽俗來何時祝融峰下一迴

首即是此生長別離

喜雪獻裴尚書

一無下四字

嗣立補注唐書裴均字君齊累遷荆南節度使加檢校吏部尚書

宿雲寒不卷春雪墮如筵

所宜切一作篩

騁巧先投隙潛光半

一作亂

入池喜深將策試驚密仰簷窺自下何曾汗增高

未覺

一作見

危比心明可燭拂面愛還吹妒舞時飄袖欺

梅併壓枝地空迷界限砌滿接高卑浩蕩乾坤合霏

微物象移為

一作驗

祥矜大熟布澤荷平施已分年華晚

猶憐曙色隨氣嚴當酒換

一作暖

灑急聽窗知

邵氏聞見錄荆公嘗以力去陳

言誇末俗可憐無補費精神薄退之然其詼雪則云借問火城將策試何如雲屋聽窗知皆用退之句也去古人陳言以為非用古人陳言乃為是邪

照

曜臨初日玲瓏滴晚

一作曉

斯聚庭看嶽聳埽路見雲披

陣勢魚麗

一作離

遠

嗣立補注左傳桓公五年鄭人為魚麗之陳先偏後伍

杜預曰司馬法車戰二十五乘為偏以車居前以伍次

之此蓋魚麗陣法

書文鳥篆奇

嗣立補注張懷瓘書斷蒼頡俯察龜文鳥跡之象合而為字是為古文衛恒古文贊黃帝之史

沮誦蒼頡眺彼鳥跡始作書契

縱歡羅豔黠列賀擁熊螭履弊行偏冷

東郭更記

先生行雪中履有上無下足盡履地

門扃臥更羸

汝南先賢傳時大雪積地丈餘洛陽令至袁安門無有行路謂安已死令人除

雪入戶見
安僵臥

悲嘶聞病馬

一作鳥

浪走信嬌兒
竈靜愁煙絕絲

繁念鬢衰擬鹽吟舊句

晉謝道韞傳嘗家集俄而雪驟下謝安曰何所似兄子朗曰撒鹽空中差可擬

授

簡幕前規

選雪賦梁王遊于兔園俄而雪下王廼授簡于司馬大夫曰侔色揣稱為寡人賦之

捧贈同燕石

闕子宋之愚人得燕石藏之以為大寶周客聞而觀焉笑曰此特燕石也其與瓦甓不殊

多慙失所宜

春雪

看

一作觀

雪乘清旦無人坐獨

一作獨坐

謠拂花輕尚起落地暖

初銷已訝陵歌扇還來伴舞腰
灑篁留密

一作半

節著柳

送長條入鏡鸞窺沼行天馬度橋

沈存中云杜子美詩紅稻啄餘鸚鵡粒碧梧棲老鳳

皇枝語相反而意新退之入鏡鸞窺沼行天馬度橋蓋仿此體

徧階憐可掬滿樹戲成搖江浪

迎濤日風毛縱獵朝

嗣立補注文選西都賦風毛雨血

弄閑時細轉爭急

忽驚飄城險疑懸布

左傳襄公十年晉荀偃士句伐偃陽主人縣布堇父登之及堞而絕之

砧寒未

擣綃莫愁陰景促夜色一作月自相饒

聞梨花發贈劉師命

桃蹊

一作溪

惆悵不能過

嗣立補注漢李廣傳贊桃李不言下自成蹊師古曰蹊謂徑道也

紅豔紛

紛落地多聞道郭西千樹雪欲將君去醉如何

春雪閒

一作映

早梅

梅將雪共春彩豔不相因逐吹能爭密排枝巧妒新

誰令香滿座獨使淨無塵芳意饒呈瑞寒光助照人

玲瓏開已徧點綴坐來頻那是俱疑似須知兩逼真

熒煌初亂眼浩蕩忽迷神未許瓊華比

詩尚之以瓊華乎而

從將一作

將玉樹親

選甘泉賦翠玉樹之青蔥

先期迎獻歲更伴占茲辰

一作晨

願得

長輝映輕微

一作嚴

敢自珍

四首世
早春雪中聞鶯

諸本或在入
關訛馬之後

朝鶯雪裏新雪樹眼前春帶澁先迎氣侵寒已報人
共矜初聽早誰貴後聞頻暫轉那成曲孤鳴豈及辰
風霜徒自保桃李詎相親寄謝幽棲友辛勤不為身
梨花下贈劉師命

方云蘇魏公云
當錄於古詩中

洛陽城外清明節百花寥落梨花發今日相逢瘴海
頭共驚爛漫開正月

和歸工部送僧約

原注工部
歸登也

嗣立補注舊唐書歸登字冲之舉孝廉復登賢良科
累遷工部尚書平方云約荊州人詳見劉夢得集

早知皆是自拘囚不學因循到白頭汝既出家還擾

擾何人更得一作向死前休

入關詠馬

歲老豈能充上馬

史記孫子傳今以君之下駟與彼上駟取君上駟與彼中駟

力微當自慎

前程不知何故翻驤首

選緒白馬賦春西極而驤首

牽過關門妄

一作忘

一

鳴

木芙蓉

新開寒露叢遠吐水間紅豔色寧相妒嘉名偶自同

採江官渡晚

選古詩涉江採芙蓉

搴木古祠空

楚辭九歌搴芙蓉兮木末

願得

一作須

勤

來看無令便逐風

宋云此詩言荷花與木芙蓉生不同處而色皆美名又同故以採江搴木二事相對言其生處而九歌者祭神之辭故曰古祠也

題張十一旅舍三詠

榴花

五月榴花照眼明
枝間時見子初成
可憐此地無車

馬顛倒青苔落絳一作細英

井

賈誼宅中今始見

嗣立補注荆州記湘州南寺之東有賈誼宅宅之中有井井旁有石有局脚牀可容一人坐形制甚古

皆傳曰即誼所坐杜子美詩長懷賈傳井依然

葛洪山下昔曾窺

嗣立補注晉葛洪傳字稚川止羅浮山煉丹羅浮山

記葛稚川入羅浮鍊丹弟子從之者五百餘人置觀四所今丹存焉

寒泉百尺空看影
正是行人

渴一作喝死時

蒲萄

新莖未徧半猶枯
高架支離倒復一作後扶若

一作君欲滿盤

堆馬乳

蜀本圖經本草蒲萄子有紫白二色又有似馬乳者

莫辭添竹引龍鬚

峽石西一作寒泉

居然鱗介不能容石眼環環水一鍾聞說旱時求得雨祇疑科斗是蛟龍

梁國惠康公主挽歌一有詞字二首

唐書梁國惠康公主憲宗長女特愛之下嫁于季友元和中薨朱云羊士諤集有梁國惠康公主挽歌詞二首
注云時詔令百官進詩嗣立補注譙周法訓挽歌者高帝召田橫至尺鄉自殺從者不敢哭而不勝哀故為此歌以寄哀音焉

定謚芳聲遠移封大國新巽宮尊長女易巽為長女台室屬

良人云季友之父頓為相故云台室河漢重泉夜梧桐半樹春龍輜音而

非厭於涉切翟選寡婦賦龍輜儼其星駕兮說文輜喪車也周禮王后之五輅二曰厭翟鄭氏云次其羽使相迫也還輶禁

城塵